



## JUDICIAL SYSTEM MONITORING PROGRAMME

## PROGRAMA DE MONITORIZAÇÃO DO SISTEMA JUDICIAL

Press Release

Periodu : Maiu 2009

pubikasaun : Maiu 2009

### **Kontinuasaun Julgamentu ba Kazu Ataca iha QG Taci-Tolu Adiadu Tan**

Bazeia ba horario ne'ebe mak determina tiha ona husi Juises Kolektivu iha loron 28 de Abril depois de julgamentu ba dala tolu katak kontinuasaun hodi halo provas ba deponente sira ba kazu ataca Quartel Geral F-FDTL iha Taci-Tolu sei halo iha loron 15 de Maio 2009, maybe la consegue realize tanba relasionado ho Juises Kolektivu ne'ebe mak toma konta ba kazu ne'e hetan xamada urgente husi Tribunal de Rekursu atu tuir treinamentu konba Kodigu Penal Timor Leste ninian ne'ebe foin lalais ne'e aprova husi estado no bazeia ba informasaun ne'ebe mak JSMP hetan katak parece ke sei tama iha vigor iha loron 7 Juñu 2009 oin mai.

No bazeia ba informasaun ne'ebe mak JSMP hetan mos katak kontinuasaun julgamentu karik sei hala'o iha loron 21 de Maio 2009 ho ninia horas ne'ebe mak seidak klaru karik sei hala'o iha dader ou iha loro kraik tanba seidak iha horario ne'ebe mak klaru ba kazu ne'e. JSMP hare katak testemuña sira ne'ebe hetan notifikasaun husi Tribunal Distritu Dili hotu-hotu marka prezensa inklui lideransa Massimo ida husi PNTL ho inisial AJ hodi mai atu fo sira nia depoimentos, hasoru Railos Cs.

JSMP kompriende katak Kodigu Penal Timor Leste foun, presiza tebes duni atu it abele kompriende didiak, nune'e iha sociedade em geral, nomos atór judisiario sira hotu especial ba Juises sira. Maybe mos presiza atu hatene katak razaun adiamentu julgamentu ba kazu ne'e la'os sai hanesan razaun ne'ebe mak sertu no los, tanba la bazeia ba lei maybe tanba deit bazeia ba kondisaun deit. JSMP iha opiniaun katak partes sira hotu hanesan vitima

nomos arguidu rasik iha direito atu hetan julgamentu ne'ebe lais sem iha adiamentu ne'ebe mak tuir loloos la presiza akontese tanba bazeia ba JSMP hahalok hanesan ne'e viola ona direito husi arguido sira nian atu hetan lalais julgamentu iha tempu besik, lalais, no kredivel.

Atu hetan informasaun kle'an liu tan favor kontaktu:

Luis de Oliveira Sampaio

Diretor Ezekutivu JSMP

Diresaun E-Mail: [luis@jsmp.minihub.org](mailto:luis@jsmp.minihub.org)

Landline: 3323883